

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mawrth, 4 Rhagfyr 2018

Amser y cyfarfod: 13.30

175(v5)

1 Cwestiynau i'r Prif Weinidog

(45 munud)

Mae'r Llywydd wedi cael gwybod, o dan Reol Sefydlog 12.58, y bydd Arweinydd y Tŷ a'r Prif Chwip yn ateb cwestiynau ar ran y Prif Weinidog.

Bydd y Llywydd yn galw ar Arweinwyr y Pleidiau i ofyn cwestiynau heb rybudd i Arweinydd y Tŷ a'r Prif Chwip ar ôl Cwestiwn 2.

[Gweld y Cwestiynau](#)

2 Dadl ar y Cytundeb Ymadael â'r UE a'r Datganiad Gwleidyddol

(120 munud)

NDM6889 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru:

1. Yn nodi'r Cytundeb Ymadael a'r Datganiad Gwleidyddol ar y berthynas rhwng y DU a'r UE yn y dyfodol y cytunwyd arnynt gan y Cyngor Ewropeaidd a Llywodraeth y DU, ond yn siomedig nad yw Cymru na'r Alban yn cael eu crybwyll yn unrhyw un o'r dogfennau.

2. Yn nodi'n benodol y trefniadau ar gyfer diogelu hawliau dinasyddion ac ar gyfer cyfnod pontio y mae Llywodraeth Cymru wedi dadlau'n gyson drosto ac a fyddai'n osgoi'r canlyniad trychinebus lle na cheir cytundeb ym mis Mawrth 2019.



3. Yn nodi y bydd gan y Cynulliad gyfle arall i drafod y Cytundeb Ymadael wrth iddo ystyried a fydd yn rhoi ei gydsyniad deddfwriaethol ai peidio i Fil y Cytundeb Ymadael y mae Llywodraeth y DU yn bwriadu ei gyflwyno.

4. Yn credu nad yw'r berthynas yn y dyfodol fel y'i rhagwelir gan y Datganiad Gwleidyddol yn bodloni'r model ar gyfer y berthynas rhwng y DU / EU yn y dyfodol a nodir yn Diogelu Dyfodol Cymru, sydd wedi cael ei gefnogi'n gyson gan y Cynulliad ac nad yw'n rhoi sicrwydd cadarn mewn perthynas â hawliau gweithwyr, hawliau dynol a deddfwriaeth yn ymwneud â chydaddoldeb yn y dyfodol.

5. Yn nodi bod llinellau coch Llywodraeth y DU wedi cyfyngu ar gwmpas y cytundeb dros dro y cytunwyd arno â'r UE ac yn credu y dylai Llywodraeth y DU ganolbwyntio'n hytrach ar ddiogelu perthynas hirdymor sy'n darparu fel bod modd cymryd rhan yn y farchnad sengl ac mewn undeb tollau, gan geisio ymestyn Erthygl 50 os bydd angen.

6. Yn credu y dylai Llywodraeth y DU ddatgan yn awr ei bwriad i negodi ar y sail honno ac os yw'n methu â gwneud hynny, dylid naill ai cynnal Etholiad Cyffredinol neu bleidlais gyhoeddus i benderfynu ar y telerau ar gyfer ymadawiad y DU, neu a ydy'n dymuno aros.

[Y Cytundeb Ymadael a'r Datganiad Gwleidyddol](#) *(Saesneg yn unig)*
[Diogelu Dyfodol Cymru](#)

Dogfen Ategol

[Adroddiad y Pwyllgor Materion Allanol a Deddfwriaeth Ychwanegol](#)

Cyflwynwyd y gwelliannau a ganlyn:

Gwelliant 1 – [Gareth Bennett \(Canol De Cymru\)](#)

Dileu popeth a rhoi yn ei le:

Cynnig bod Cynulliad Cenedlaethol Cymru:

1. Yn cydnabod bod pobl wedi pleidleisio drwy fwyafrif ar 23 Mehefin 2016 heb unrhyw amwysedd, neu gyfyngiad, i adael yr UE, ac yn credu y dylai Llywodraeth y DU a Llywodraeth Cymru anrhydeddu ysbryd a llythyren y penderfyniad hwnnw.

2. Yn credu bod Llywodraeth y DU a Llywodraeth Cymru wedi rhwystro dymuniadau y 17.4 miliwn o bobl a bleidleisiodd i ymadael.

3. Yn credu bod cytundeb ymadael drafft Llywodraeth y DU yn ildiad, sy'n negyddu canlyniad y refferendwm yn sylweddol, gan gadw'r DU yn undeb tollau'r UE am gyfnod amhenodol ac, i bob pwrpas, yn y farchnad sengl, gan ein hamddifadu o unrhyw lais ffurfiol neu bleidlais ym mhenderfyniadau'r UE.

4. Yn galw ar y DU a Llywodraeth Cymru i gofleidio adfer sofraniaeth genedlaethol Prydain y tu allan i'r UE a'r cyfleoedd byd-eang i fasnachu â gweddill y byd.

[Os derbynnir gwelliant 1, caiff gwelliannau 2 a 3 eu dad-ddethol]

Gwelliant 2 – [Rhun ap Iorwerth \(Ynys Môn\)](#)

Dileu pwyntiau 1–5 a rhoi yn eu lle:

Cynnig bod Cynulliad Cenedlaethol Cymru:

Yn gwrthod y cytundeb ymadael a'r datganiad gwleidyddol am y berthynas rhwng y DU a'r UE yn y dyfodol a gytunwyd gan y Cyngor Ewropeaidd a Llywodraeth y DU.

Yn credu nad yw'r berthynas yn y dyfodol fel y'i rhagwelir gan y datganiad gwleidyddol yn mynd mor bell â'r model ar gyfer perthynas rhwng y DU a'r UE yn y dyfodol a nodwyd yn 'Diogelu Dyfodol Cymru', sy'n darparu gwarantau cadarn mewn perthynas â hawliau gweithwyr, hawliau dynol, deddfwriaeth cydraddoldeb a hawliau dinasyddion.

Yn nodi bod dadansoddiad economaidd hirdymor Llywodraeth y DU yn rhagweld y bydd economi'r DU yn gwaethygu 3.9 y cant dros 15 mlynedd o dan y cytundeb ymadael a'r datganiad gwleidyddol presennol.

Yn galw ar Lywodraeth y DU i geisio aelodaeth y DU o'r farchnad sengl Ewropeaidd a'r undeb tollau.

Yn galw am estyniad i'r broses ar gyfer erthygl 50.

Gwelliant 3 – [Rhun ap Iorwerth \(Ynys Môn\)](#)

Dileu pwynt 6 a rhoi yn ei lle:

Yn galw am bleidlais y bobl ar y cytundeb terfynol rhwng y DU a'r UE, gan gynnwys opsiwn i'r DU barhau i fod yn aelod-wladwriaeth o'r Undeb Ewropeaidd.

3 Datganiad a Chyhoeddiad Busnes

(30 munud)

[Gweld y Datganiad a Chyhoeddiad Busnes](#)

4 Datganiad gan y Cwnsler Cyffredinol: Y Bil Deddfwriaeth (Cymru)
(45 munud)

Cynnig i drafod y 5 eitem ganlynol gyda'i gilydd ond gyda phleidleisiau ar wahân (30 munud)

5 Rheoliadau Cyfrifyddu Carbon (Cymru) 2018

NDM6888 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru; yn unol â Rheol Sefydlog 27.5

1. Yn cymeradwyo bod y fersiwn ddrafft o Reoliadau Cyfrifyddu Carbon (Cymru) 2018 yn cael ei llunio yn unol â'r fersiwn ddrafft a [osodwyd](#) yn y Swyddfa Gyflwyno ar 06 Tachwedd 2018.

[Memorandwm Esboniadol](#) (*Saesneg yn unig*)

[Y Pwyllgor Materion Cyfansoddiadol a Deddfwriaethol](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

6 Rheoliadau Newid yn yr Hinsawdd (Cyllidebau Carbon) (Cymru) 2018

NDM6885 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru; yn unol â Rheol Sefydlog 27.5

1. Yn cymeradwyo bod y fersiwn ddrafft o Reoliadau Newid yn yr Hinsawdd (Cyllidebau Carbon) (Cymru) 2018 yn cael ei llunio yn unol â'r fersiwn ddrafft a [osodwyd](#) yn y Swyddfa Gyflwyno ar 6 Tachwedd 2018.

[Memorandwm Esboniadol](#) (*Saesneg yn unig*)

[Y Pwyllgor Materion Cyfansoddiadol a Deddfwriaethol](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

7 Rheoliadau Newid yn yr Hinsawdd (Targedau Allyriadau Interim) (Cymru) 2018

NDM6884 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru, yn unol â Rheol Sefydlog 27.5:

1. Yn cymeradwyo bod y fersiwn ddrafft o Reoliadau Newid yn yr Hinsawdd (Targedau Allyriadau Interim) (Cymru) 2018 yn cael ei llunio yn unol â'r fersiwn ddrafft a [osodwyd](#) yn y Swyddfa Gyflwyno ar 6 Tachwedd 2018.

[Memorandwm Esboniadol](#) (*Saesneg yn unig*)

[Y Pwyllgor Materion Cyfansoddiadol a Deddfwriaethol](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

8 Rheoliadau Newid yn yr Hinsawdd (Hedfan Rhyngwladol a Llongau Morgludiant) (Cymru) 2018

NDM6886 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru, yn unol â Rheol Sefydlog 27.5:

1. Yn cymeradwyo bod y fersiwn ddrafft o'r Rheoliadau Newid yn yr Hinsawdd (Hedfan Rhyngwladol a Morgludiant Rhyngwladol) (Cymru) 2018 yn cael ei llunio yn unol â'r fersiwn ddrafft a [osodwyd](#) yn y Swyddfa Gyflwyno ar 6 Tachwedd 2018.

[Memorandwm Esboniadol](#) (*Saesneg yn unig*)

[Y Pwyllgor Materion Cyfansoddiadol a Deddfwriaethol](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

9 Rheoliadau Newid yn yr Hinsawdd (Terfyn Credyd Cyfrif Allyriadau Cymru Net) (Cymru) 2018

NDM6887 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru; yn unol â Rheol Sefydlog 27.5

1. Yn cymeradwyo bod y fersiwn ddrafft o Reoliadau Newid yn yr Hinsawdd (Terfyn Credyd Cyfrif Allyriadau Net Cymru) (Cymru) 2018 yn cael ei llunio yn unol â'r fersiwn ddrafft a [osodwyd](#) yn y Swyddfa Gyflwyno ar 06 Tachwedd 2018.

[Memorandwm Esboniadol \(Saesneg yn unig\)](#)

[Y Pwyllgor Materion Cyfansoddiadol a Deddfwriaethol](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

10 Dadl: Cyllideb Ddrafft 2019–20

(90 munud)

NDM6883 – [Julie James \(Gorllewin Abertawe\)](#)

Cynnig bod Cynulliad Cenedlaethol Cymru, yn unol â Rheol Sefydlog 20.12:

Yn nodi'r Gyllideb Ddrafft ar gyfer blwyddyn ariannol 2019–20 a osodwyd yn y Swyddfa Gyflwyno gan Ysgrifennydd y Cabinet dros Gyllid ar [2](#) a [23](#) Hydref 2018.

Dogfennau Ategol

[Adroddiad y Pwyllgor Cyllid](#)

[Adroddiad y Pwyllgor Newid Hinsawdd, Amgylchedd a Materion Gwledig](#)

[Adroddiad y Pwyllgor Newid Hinsawdd, Amgylchedd a Materion Gwledig –](#)

[Ysgrifennydd y Cabinet dros yr Economi a Thrafnidiaeth](#)

[Adroddiad y Pwyllgor Plant, Pobl Ifanc ac Addysg](#)

[Adroddiad y Pwyllgor Cydraddoldeb, Llywodraeth Leol a Chymunedau](#)

[Adroddiad y Pwyllgor Iechyd, Gofal Cymdeithasol a Chwaraeon](#)

[Adroddiad y Pwyllgor Diwylliant, y Gymraeg a Chyfathrebu](#)

Cyflwynwyd y gwelliant a ganlyn:

Gwelliant 1 – [Darren Millar \(Gorllewin Clwyd\)](#)

Dileu popeth a rhoi yn ei le:

Cynnig bod Cynulliad Cenedlaethol Cymru:

Yn credu nad yw Cyllideb Ddrafft Llywodraeth Cymru ar gyfer 2019–20 yn diwallu anghenion pobl Cymru.

11 Cyfnod pleidleisio

Cynhelir Cyfarfod Llawn nesaf y Cynulliad am 13.30, Dydd Mercher, 5 Rhagfyr
2018